



МЕСЯЦА НОЯБРЯ В 18-Й ДЕНЬ

Святых мученик Платона и Романа

На Господи, воззвах: стихиры святого Платона,
глас 8.

Подобен: О, преславнаго чудесе:

Полн доблия мудрости, / удес отречение, и
сечение телесе, / и огнь нестерпный, глад и
смерть / мужественнейшим нравом претер-
пел еси, / вечно предлежащую тебе славу
ожидаая непрестающую / и предзя вечнующее
блаженство.

Всякое прешед чувство / и к Вышней жизни
преложив мысль, / помыслом Богомудрым и душою
великомудренною / худость и смирение видимых
небрегл еси. / Темже, стружемь и огнем палимь, за
Христа, мучениче, / доблественнейше претерпел
еси.

Всякое вражие нашествие и гонителей
стремления / разрушил еси благодатию, / победы
венцем венчался еси, всебогате, / нетленного весел-
ия и неизглаголаннаго сподобляемь Божествен-
наго сияния. / Идеже ныне сый, / грехов испроси
оставление благохвалящим тя.

Ины стихиры святого Романа, глас 4.

Подобен: Яко добля:

Постом разжизаемь, страданием теснимь / и
многими муками умучаемь, / мечь быв
обоудуостр, / ссекая полки демонския, Романе, /
страдальцев удобрение, Божественная похвало, /

честно́е Цѣркве украше́ние, / своєю́ кро́вию сконча́вшихся, всехва́льне.

Растяза́емь, и стру́жимь, и в темни́це заключа́емь, / и язы́к, сла́вне, отъе́млемь, / и че́люсти сокруша́емь, / и ко́нѣц блаже́нный ну́жным удавле́нием, страсотѣрпче, прие́мля, / непоколеби́мь и непрекло́нен яви́лся еси́ / соде́йством, Рома́не, Божѣственнаго Ду́ха: / те́мже ве́рно восхваля́ем тя́.

Витийству́ет младе́нец, и удивля́ет безу́мныя, / и честны́ми противле́нии украша́ется, / и сконча́нием просвещáется, / обогаща́ется благосла́вием святы́х страда́лец, / ихже ре́вность стяжа́, досто́блаженне, Рома́не доблему́дре. / С ни́миже реше́ние долго́в все́м на́м низпосла́ти моли́ся.

Сла́ва, гла́с 6. Самогла́сен:

Стра́шныя и пресла́вныя победы́, Го́споди, му́ченика Твоего́: / ры́барей бо поревновáв дерзнове́нию, / и мрежеплетѣ́нным Богосло́вием / Плато́ново басносло́вие, и истори́ческое кощу́нство / словесы́ и де́лы растерза́; / ко́жи одира́еме и главѣ́ отсеца́еме, / лия́нием кровей е́го врага́ удави́. / Но, о му́чеников удо́брение! / Со дерзнове́нием проповѣ́давый Имя Христо́во вели́кое, / испроси́, чудотворче Плато́не всеблаже́нне, / подáти душáм на́шим ве́лию мило́сть.

И ны́не, Богорóдичен или́ Крестобогорóдичен.

Подóбен: Тридне́вен:

Ви́дящи Тя́ распина́ема, Христѣ́, / Тебѣ́ Ро́ждшая вопия́ше: / что́ стра́нное, е́же ви́жу, та́инство, Сы́не Мо́й? / ка́ко на Дре́ве умира́еши, плóтию повѣ́шен, / Жи́зни Подáтелю?

Тропа́рь, гла́с 4:

Му́ченицы Твой, Го́споди, / во страда́ниих сво́их венцы́ прия́ша нетле́нныя от Тебѣ́, Бо́га на́шего, / иму́ще бо крѣ́пость Твою́, / мучи́телей низложи́ша, / сокруши́ша и де́монов немощны́я дерзости. / Те́х моли́твами спаси́ / ду́ши на́ша.

**Сла́ва, и ны́не,
Богорóдичен или́ Крестобогорóдичен.**

НА УТРЕНИ

Канон Октóиха едѣн и святѣх двѣ. Канон святѣго Платона, егóже краегранесіе: Твоѣх похвал, о Платоне, пою широту. Феофаново. Глас 8.

Песнь 1

Ирмос: Колесницегонителя фараоня погрузи / чудотвори́и иногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Бóгови воспева́юща.

Вѣчнаго Царствія, славне, чистейшую проходя широту, / от всякия скорби и напастей тесноты, поющія ты спаси, / невозвратно шествующія к Небесней стези вводя.

Огражден благочестія ору́жием, / столп незыблен явился, Платоне, / все свирепство ран претерпел еси / и болезней тесноты подъял еси, / Божественною благодатию простираяся.

Юношеское показав противление, / мертвенную и тленную дебелость* страданием отвергл еси, всеумдре, / и в нетленную ризу одеваяся, радуясь, Владыце предстоиши.

Богородичен: Воплощенна, Отцу Собезначальна и Соприсносущна, / Единородна Слова паче ума родила еси, / Благословенная Пречистая Богородице. / Сего ради право мудрствующе, / проповедаем Тя и всечестно славим.

Ин канон святѣго Романа, егóже краегранесіе: Страдальческими ты венцы похваляю, Романе. Глас 4.

Песнь 1

Ирмос: Моря чермную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

Незаходимыми лучами сияя Троичными ясно / и со страстотерпческими лики просвещаемь, / просвещение ми послѣ, тьму страстную отгоняя / Богоприятными твоими, Романе, молитвами.

* дебелость — толстоту, грубость, нечувствительность

Моря идоляскаго волнѣнием не обуреваемъ, /
яко на Христовѣ камени утвердився, / треволнѣния
разрѣшил еси / тишиною Божественнаго Духа
многомятежнаго безбожия.

Цветник яко благославный и благоплодный, /
Церковь Христову, гобзующу* всеми благими,
Романе, / соблюл еси от волков неприступну, /
твоим учением утверждая сию.

Богородичен: Поміловася Тобію, Всенепорочная,
естество человеческое истинно: / Творецъ бо,
из Тебѣ воплотився паче слова и смысла, / за ны на
смерть приведѣся, избавляя от ада нас.

Пѣснь 3

Ирмос: Утверждѣй в началѣ Небеса разумом / и
землю на водахъ основавый, / на камени мя, Христе,
заповедей Твоихъ утверди, / яко несть свят, паче
Тебѣ, еди́не Человеколю́бче.

Якоже нетлѣнная и́скра, в пламень лю́тый
терпеливо, всеблаженне, вшел еси, / благочестия
явственну ревностию распалаемъ / и огнемъ Божественнымъ
озаряемъ веры.

Победив паче естества демонския слуги, / терпениемъ же
крепкихъ мукъ болѣзни подъемъ, / Ангеловъ
ссельникъ и венценосецъ явился еси, / Платоне
Богомудре блаженне.

На земли за Христа, всеблаженне, подвижався, /
Небесныя дары приемъ и венцы, от Него
приснопробывающия, / в чистѣ мѣсте рая вселя-
ешися.

Богородичен: Двери Свѣта, / свѣтлыми Духа
зарями украшена Богомати сущи, / Тобію бо к
нам Слово сниде, / просвѣщающее вся Божественнымъ
свѣтомъ поющія Тя.

Ин

Ирмос: Веселится о Тебѣ Церковь Твоя, Христе,
зовущи: / Ты моя крепость, Господи, / и прибежище,
и утверждение.

Зверя разумнаго пращею** убивъ, Романе, / сло-

* гобзующу — избилующую

** праща — орудие, для метания камней в неприятеля

весы твоими па́ству Христо́ву спасл еси́ от и́дольскаго вре́да нетле́нну.

Возмога́я ору́жием крѣстным, / прило́ги вра́жия возврати́л еси́ / и немо́щъ их обличи́л еси́, / Рома́не му́дре досто́блаже́нне.

Низложи́л еси́ вра́жия, сокруши́в, че́люсти Рома́не сла́вне, / за Христа́, блаже́нне, лани́те стру́жиме, приснопа́мятне.

Богородичен: Естество́м еди́н Бог Сло́во О́тчее и соестество́нное Ду́ху, / плоти́ю из Тебе́ оде́явся, / земны́я обожи́, Богома́ти.

Седáлен свята́го Плато́на, глас 8.

Подобен: Прему́дрости:

Подвиго́в широто́ю, му́чениче му́дре, / простира́ясь ве́рою, всесла́вне, / вра́жия, утесни́в, ко́зни погуби́л еси́ / и, до́бре соверши́в течéние Божество́нное, / ра́йскую широту́, ра́дуясь, дости́гл еси́. / Те́мже Це́рковь, простра́нством благоче́стия сия́ющи днесъ, / пра́зднует па́мять твою́ и вопи́ет ти, блаже́нне: / моли́ Христа́ Бо́га грехо́в оставле́ние дарова́ти / чту́щим любóвию святу́ю па́мять твою́.

Слава свята́го Рома́на, глас 4.

Подобен: Вознеси́йся:

По́стнически лука́ваго попра́в / и страда́льчески, му́чениче Христо́в, просла́вился еси́, / претерпе́в му́жески соверше́нным умо́м. / Те́мже причта́лся еси́ ликом му́ченическим / и ве́чнующее Ца́рство стяжа́л еси́; / в не́мже лику́я, помяни́ нас, / соверша́ющия ве́рою па́мять твою́.

И ныне, Богородичен:

По Бо́зе в Твой, Богороди́це, прибега́ю смире́нный покрóв Божество́нный, / припада́я, молю́ся: / помилуй, Пречи́стая, / я́ко превзыдо́ша главу́ мою́ греси́, / и бою́ся, Влады́чице, му́ки, и трепещу́, / моле́ние сотвори́, Чи́стая, к Сы́ну Твоему́ / от сих изба́вити мя.

Крестобогородичен:

Из Безнача́льнаго Отца́ ро́жденнаго, / напоследок Тя плоти́ю Ро́ждшая, / на Кресте́ ви́сяща зря́щи, Христé, / увы́ Мне, любезнейший Иисусе, вопия́ше: / ка́ко сла́вимый я́ко Бог от Ангел, / от

беззаконных ныне человек, Сыне, хотя распинаешься? / пою Тя, Долготерпеливе.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца, / и нашу нищету посети. / Тем с пророком Аввакумом зову Ти: / силе Твоей слава, Человеколюбче.

Растворився весь любовью Создателя твоего, / не чувствовал еси болезней телесных, / страстные плоти мертвенныя и кожные ризы совлекся / и целомудрия и спасения одеаяся, Платоне, ризою.

Священноделатель Божественный явился еси, / яко непорочно овча, мужеский пол и совершенное всесожжение, мучениче, / тебе самого за всех закалаемому Христу принесл, Избавителю, / душу бо разжег Владычнюю любовью, / о сожигаемой плоти небрегл еси.

Юноши три, сущия в Вавилоне, подражая, / всеядца огня не убоялся еси, / но крепко и юношески того претерпев пламень нестерпный. / Темже ты Росодавец со оными достойно прият в чертог славы.

Богородичен: Яко из корене царскаго сущи, / всеми владычествующаго, Слово Божие родила еси нам, / плоть бывша и пребывша непременна. / Темже Тя, Богородицу, истинно и господьственно, всевятая Дево, славим.

Ин

Ирмос: Вознесена Тя видевши Церковь на Кресте, / Солнце праведное, / ста в чине своем, / достойно взывающи: / слава силе Твоей, Господи.

Направляемъ, яко лествицею, / на древо вознесся еси, блаженне, неизглаголанною доброю / и пребывающий лик постигл еси, мучениче Романе достославне.

Совлекся мертвенныя одежды в муках, блаженне, / и спасения в светлую ризу / светло, всеславне мучениче Романе, облеклся еси.

Умудрився вдохновением Утешителя, отрочища язык / Тя, Господа славы, Творца проповеда всех, Человеколюбче, / и Бога, спасти могущаго.

Богорóдичен: Благословѣн, Дѣво, Плóд Твоегó чрѣва, / Имже избáвихомся клятвы смѣртныя, всѣ отѣчества языков, / и Тобóю благословѣннии яко жízни поём Тя Ходáтаицу.

Пѣснь 5

Ирмóс: Вскúю мя отринул есѣ / от лица Твоегó, Свѣте Незаходимый, / и покрыла мя ёсть чуждáя тьмá, окайнаго, / но обратѣ мя и к свѣту заповедей Твоих / путѣ моя направи, молюся.

Дремáния твоим вѣждом / и сна твоим очесём не дал есѣ, мучениче, / дондеже сном блаженным / и подобным, Бóга любящим, любезным уснул есѣ, блаженне, / мечём во главу усекаёмь.

Якоже в чуждем телесѣ, всеблаженне, страждá, подвизáлся есѣ, / яко страждущим иным видец бѣвъ, ты пострадал есѣ, / Божественным бо рачением разжéгся, / предлежащих мук не убоялся есѣ, славне.

Богáтство обрел есѣ неотъемлемо / и славу неувядную, в Небесных обителех со Ангелы ликовствуя / и нетленного безсмертия в причащени бѣвъ, всеизящнейше.

Богорóдичен: Разрешение грехов Твоими молитвами подаждь рабóm Твоим, / избавляючи тья искушений, и бѣд, и скорбей, и хульных еретиков одержания, / Дѣво Богорóдице Всепѣтая.

Ин

Ирмóс: Ты, Гóсподи, мой свѣт, / в мир пришёл есѣ, / Свѣт Святый, обраща́я из мрачна невѣдения / вѣрою воспева́ющая Тя.

Стру́ями страдальческими кровей твоих потопил есѣ море безбожия, / реки же исцеления, Ромáне, источил есѣ.

Яко дар избранный, жертву яко непорóчну, принёсл есѣ Владыце, Ромáне, / Богословствующаго младенца закалаема.

Юродство вражие мудростию Святаго Духа уязвил есѣ, / уязвив твоё тело ранами, Ромáне всеславне.

Богорóдичен: Потребила есѣ клятву, яко радость рóждши, / и обновила есѣ человеки Твоим Рождеством, / Дѣво Маріе Неискусобрачная.

Пѣснь 6

Ирмос: Очисти мя, Спасе, / многа бо беззаконія моя, / и из глубины зол возведи, молюся: / к Тебѣ бо возопих, и услыши мя, / Божѣ спасенія моего.

Вышши страстей и мук быв, / плоти отсечения претерпел еси, славне, / Христа бо помощника и содателя имел еси и споспешника.

Душе́вным ра́зумом благоле́пие Создателя взира́я всегда́ / и созерца́я добро́ту неизреченную, / ви́димых ху́дость небре́гл еси́.

Богородичен: Яко одушевленный кивот, Законодавца вместила еси, / якоже храм святыи, прияла еси Святаго, бывша Человека, / на благодеяния человеков, Всеблаженная.

Ин

Ирмос: Пожру Ти, со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

Мертвость и тлю строганием отложив, / жизни нетленные в доброту одеявша, мучениче, / украшен светлостью, Романе, духовными, незаходящими.

Источив яко кровныя токи учения отрезанный твой язык, / и мизже непогибающее наследовал еси, страстотерпче, блаженство, / присно пребывающее.

Премудрости поток жаждая, / испил еси советом рождшия уста Богословна младенца, / мечем к жизни пришедша некончаемей.

Богородичен: Скорое прибежище буди мне, Пречистая, / насилия избавляющи мя, и страстного студа изымающи, / и к Божественней стези направляющи, Богомати.

Кондак, глас 3.

Подобен: Дева днесь:

Святая твоя память вселенную веселит, / созывающи верныя вся в пречестный храм твой, / идеже ныне, радостию совокупльшися, / поем в песнях и светлостех. / Сего ради, Платоне, вопием ти: / языческаго нашествия избави град твой, святе.

Икос:

Еллинское оставив всё суетство, / Христовых учеников душеполезная учения возлюбил зело Платон Богомудрый. / Тем и явился всем честен, / яко анкира * веры во отечестве, / егуже и звание яве Анкира именуется. / Дobre бо того воспитавшее / известен покров на враги / и заступника тепла в ратех обретает всегда, вопиючи: / языческаго нашествия избави град твой, святе.

Песнь 7

Ирмос: Божия снизхождения / огонь устыдился в Вавилоне иногда, / сего ради отроцы в пещи радованною ногою, / яко во цветнице, ликующе, пояху: / благословен еси, Боже отец наших.

Законно пострадавши и враги твои поправши, / победы венцем Законоположник тебе венча, / велегласно вопиюща и глаголюща: / благословен еси, Боже отец наших.

Преставился еси, радуясь, к присножеланному тебе древле, / Егуже пречистой страсти, спасения человеком vine бывшей, подражая, пел еси: / благословен еси, Боже отец наших.

Удивившася вся Небесныя силы терпению твоего страдания / и человецы, тогда зрящии. / Престественно бо вопиял еси, секомый: / благословен еси, Боже отец наших.

Богородичен: Избавляеми, Пречистая, Божественным Рождеством девства Твоего / уз смертных и клятвы первозданнаго Адама, / Тя, Богородицу, мудрствующе, зовем: / благословен Бог отец наших.

Ин

Ирмос: В пещи Авраамстии отроцы персидстей, / любовью благочестия паче, / нежели пламенем, опаляеми, взываху: / благословен еси в храме славы Твоея, Господи.

Удавлением твоим, страстотерпче, удавив змия, / обрел еси жизнь истинно, преславне Романе, зовый всегда: / благословен еси в храме славы Твоея, Господи.

* анкира — якорь

Свѣта незаходимаго лучами озаряемь, / пламень
высокий угасил еси, Романе, / пророческим даро-
ванием украшаемь / и с мученическими лики
сочетаемь, зовый: / благословен еси в храме славы
Твоея, Господи.

Яко от сада многоцвѣтнаго, матерними
учении, / шипок благовонный, младенческий
возраст, / мученическою кровию напаяемь, Христу
нетленно приносится.

Богородичен: Впадшия во глубину греховную,
Всепетая, / едина Бога рождающая без семени, /
изведи ны, поющая Тя: / благословенна Ты в
женах, Всенепорочная Владычице.

Пѣснь 8

Ирмос: Седмерицею пещь / халдейский
мучитель / Богочестивым неистовно разжже, / си-
лою же лучшею спасены, сия виде, / Творцу и
Избавителю вопияше: / отроцы, благословите, /
священницы, воспойте, / людие, превозносите во
вся веки.

Светлыми подвиги убо подвизался еси,
всехвальне, / светлейше же много благославие
Христос тебе дарова и вечно пребывающее, / в
Небесныя тя обители вселив, усердно
песнопойща: / священницы, воспойте, людие, пре-
возносите Христа во веки.

Яко молебника вернейша, / яко предстателя
теплейша / Всецарю и Творцу твари, ты ныне
предлагаем; / за ны молися, мученическим твоим
дерзновением ходатайствуя о хвалящих тя / и
верно песнопойщих: / людие, превозносите Хри-
ста во веки.

Прияти сподобился еси Царство Недвижимое
твою детельною верою, / яко тебе дати обеща
нелживый Бог, / за Негоже тело и огню и мукам
предал еси, зовый: / священницы, воспойте, людие,
превозносите Христа во веки.

Богородичен: Слова Божия, безначальнаго и
Отцу сразуемаго, / из не сущаго Отчим советом
все составившаго, Боголепно родила еси, /
плоть бывша ради нас, человеков. / Тем Тя,

Богородицу, православно мудрствующе, / Христа превозносим во веки.

Ин

Ирмос: Руце распростёр, Даниил / львов зияния в рове затчэ; / огненную же силу угасиша, / добродетелию препоясавшеса, / благочестия рачители, отроцы, взывающе: / благословите вся дела Господня Господа.

Глаголов послушник Христовых был еси, славне, / душу твою положив за паству твою, / усердно за Него удавляемь, мучимь, и стружемь, и ураняемь, вопиял еси: / благословите вся дела Господня Господа.

Воистинну уста твоя и язык радости и веселия исполнися, / благословя Бога непрестанно: / отрёзан бо и кровию капля, / закон веры нам, Романе, полагает, вопия: / благословите вся дела Господня Господа.

Богородичен: Слово рождши Отчее Божественным Духом, / Дева пребыла еси, Богородительнице безмужная, / превозшедши естественныя законы рождеством Твоим. / Темже, радуящеса, поём: / благословите вся дела Господня Господа.

Песнь 9

Ирмос: Устрашися всяк слух / неизреченна Божия снизхождения, / яко Вышний волею сниде даже и до плоти, / от девического чрева быв Человек. / Темже Пречистую Богородицу, вернии, величаем.

Приидите убо, Боговенчаннаго, мучениколюбцы, воспойм мученика, / простёршаго благочестие своего рождия: / ибо лозы жизни сад быв, плод износит, / умиления нам вино точащий.

Честна пред Богом мученическая явися смерть, / присносущныя бо и негиблемыя бываёт Ходатай истинныя жизни / и жребий нетленный, и славу безсмертную, и богатное подаёт воздаяние.

Всю твою жизнь, мучениче, Вседержителю Богу освятил еси / и, яко благоугодно, живу жертву, тебе самаго, радуяся, принёсл еси. / Тем сладости сущия паче ума яве сподобился еси, / но моли избавитися искушений поющим тя.

Богородичен: Спаси мя, Мати Божия, / рождшая Христа Спаса моего, Бога и Человека, / сугуба естеством, но не Ипостасию: / Единородна убо из Отца, / из Тебе же перворожденна всей твари. / Темже Тя вси присно величаем.

Ин

Ирмос: Камень нерукосечный / от несекомыя горы, Тебе, Дево, / краеугольный отсечеса, / Христос, совокупивый разстоящаяся естества. / Тем, веселящися, Тя, Богородице, величаем.

Все твоё желание, мучениче, ко Владыце простёрл еси / и, многовидныя раны претерпев, Романе славне, / славы неизглаголанная получил еси / и блаженного наслаждения.

Се вместо болезни сладость тебе потока дадеса, мучениче, / венец носящу ти, Романе, / и от крове багрянцу имущу: / яко шипок благоухающ и неувядающ, / младенец заклан был еси Христа ради.

Богородичен: Ты началородительныя клятвы земныя, Дево, избавила еси / и отверзла еси нам жизнь Едема Рождеством Твоим паче естества. / Темже, веселящися, Тя, Богородице, величаем.

Светилен.

Подобен: Духом во святилици:

Жестокою шествовал еси в путех Божественную стезю, / к широте возшел еси Небеснаго Царствия, Платоне, мучеников славо, / светом сияя нетленные Троицы. / Темже, славе непрестающей причащся, / чтущия тя помяни.

Богородичен: Яко Заступницу нератну и предградие / войстинну предлагаю покров Твой, Богородице Дево, / Ходатаицу же к Богу, избавитися, Владычице, муки вечныя / и в жизни нетленной Тобою причаститися Небеснаго Царствия.

Святой мученик Платон, брат святого мученика Ангиоха врача (память 16 июля), родился в городе Анкире в Галатии в благочестивой семье. Еще юношей он оставил дом и ходил по городам, вдохновенно проповедуя Слово Божие язычникам, удивляя слушателей убедительно-

стью и красотой своих речей, глубоким знанием эллинской учености. За свою проповедь он был схвачен и приведен в храм Зевса на суд к правителю Агриппину. Судья вначале пытался лестью склонить святого к отречению от Христа. Он уверял юношу, что тот мог бы сравниться по

уму с самим великим философом Платоном, если бы поклонялся языческим богам. На это святой Платон ответил, что мудрость философа, хотя и велика, но преходяща и ограничена, а истинная, вечная и безграничная мудрость заключена в Евангельском учении. Тогда судья обещал в награду за отречение отдать ему в жены красавицу дочь, а в случае отказа угрожал мучением и смертью. Святой Платон ответил, что выбирает смерть временную ради жизни вечной. Терпение правителя иссякло, и он приказал нещадно бить мученика, а затем отправить в темницу.

Когда святого Платона ввели в заточение, он обратился к народу, собравшемуся возле храма, призывая всех не отступать от христианской веры. Через семь дней мученика Платона вновь привели на суд Агриппина в храм Зевса, где уже были заготовлены орудия пыток: кипящие котлы, раскаленное железо, острые крючья. Судья предложил мученику выбор: принести жертву богам или испытать на себе действие этих орудий. Святой вновь твердо отказался поклониться идолам, и после истязаний его бросили в темницу и держали там без пищи и воды 18 дней. Но видя, что и это не поколебало мученика, ему предложили в обмен на жизнь и свободу лишь произнести: «Велик бог Аполлон». «Не хочу согрешить и словом», — отвечал мученик. По приказу Агриппина святого мученика Платона обезглавили († ок. 306 или 302).

Святой мученик Роман был диаконом храма Кесарии Палестинской. Во время одного из гонений на христиан он переселился в Антиохию, где укреплял христиан в вере своим примером и горячей проповедью.

Когда правитель Антиохии Асклипиад задумал разрушить христи-

анский храм, святой Роман призвал верующих отстоять свою святыню. Он убедил их в том, что если они сохранят храм, то будут радоваться здесь, на земле, в Церкви воинствующей, а если погибнут при защите храма, то будут радоваться в торжествующей Церкви Небесной. Видя такую решимость народа, правитель не посмел выполнить своего намерения.

Некоторое время спустя, когда в городе началось языческое празднество и множество людей со всей округи пришло в Антиохию, святой Роман начал обличать идолопоклонство и призывал всех следовать за Христом. Его схватили и подвергли мучениям. Во время пыток мученик увидел в толпе святого отрока христианина **Варула** и, указывая правителю на него, сказал: «Юный отрок разумнее тебя, достигшего старости, потому что он знает Истинного Бога. Ты же поклоняешься идолам». Правитель Асклипиад приказал привести мальчика к себе. На все вопросы правителя Варул твердо и без страха исповедал веру во Христа, Единого Бога. Разгневанный Асклипиад повелел жестоко избивать мученика Варула, а затем обезглавить его. Перед смертью святой отрок попросил свою мать, которая присутствовала при казни, дать ему пить, но мать умолила его претерпеть все мучения за Господа Иисуса Христа. Она сама положила голову сына на плаху, а после казни погребла его.

Мученик Роман был приговорен к сожжению, но внезапный ливень погасил огонь, а святой стал прославлять Христа и хулить языческих богов. Правитель приказал отрезать мученику язык, но и лишенный языка святой Роман продолжал громко славить Господа. Тогда мучители приговорили его к повешению († 303).

